

Johannes Nep 1490-1547
Kannst aus Nürnberg, war
Prediger in Magdalenenau und
führte Disputation in Dorotheaen,
richtete die Breslauer Brüderschaft
aus der nürnbergischen Reform-
bewegung auf Luther. Er gestattete
den Gottesdienst dem und führte
in ihm das lutherische Kirchenlied ein.

Die Widmung Luther's an ihm
ist als Dank aufzufassen.

11.1

BMC Luther 86
Nicht bei Knaack, King. u. Jackson


44

PP/R


544

606

Brasler
Pferde



OSLER





Ob man
für dē ster
ben fliehen
muge.

Mart. Luther

M. D. XXVII.

Dem Wüirdigen Herrn Doctor
Johanni hess pfarher zu Breslaw / sampt sey
nen mitdienern im Euangelio Christi.

Martinus Luther.



Ad vnd fride von Got vnserm vater
vnd dem 3. XXXI. Ihesu Christo. Ewige fra
ge / so jr anher gen Wittenberg zu vns geschie
ck̄t habet / nemlich / ob ein Christen mensche
gezyme zufliehen in sterbens leüßten / haben
wir langst empfangen. Vnd solten auch wol
langest drauff haben geantwortet. Aber Got der almechtige
hat mich etliche zeit her in der zucht vnd staupe so hart gehal
ten / das nicht vil lesens noch schreibens hat bey mir sein mü
ge. So habe ich euch gedacht / Weil Got der vater aller barm
herzigkeit euch so reychlich begabet hat mit allerley verstand
vnd warheit in Christo / wurdet jr / durch des selbigen geist vñ
gnade wol selbst / on vnser zuthun / solche vnd wol grössere fra
gen entscheyden vnd richten.

Au aber ewig anhalten nicht ablest / vnd euch so fast demüti
get / das jr auch vnser meynung hyerynn zu wissen begeret / auf
das (wie S. Paulus allenthalben leret) eynerley synn vnd le
re bey vns allensampt erfunden werde / so geben wir euch hie
mit vnser meynung / so vil vns Gott verleyhet / vnd wir ymer
begreifen mügen zuerkennen / Vnd wöllen die selbigen mit
aller demut / erwiein verstandt / vnd aller frumer Christen / wie
sichs gepürt / zu vireylen vnd richten vnterwoiffen haben / Vñ
nach dem auch bey vns alhie vnd anderswo mehr des sterbens
geschrey gehet / habe wirs durch den dunck lassen ausgehen / ob
willeicht auch andere / solcher vnser vnterricht begeren vñ bran
chen würden.

Zuffs erste / stehen etliche feste drauff / Man müsse vnd sol
le nicht fliehen in sterbens leüßten / sonder weil das sterben ist

eine straffe Gottes vns zugeschickt vns vnser sünde willē/ sol
le man Got still halten vnd der straffe gedultiglich erwarten/
in rechtem festen glawben. Vñ achtens schier für vnrecht vñ
mißglauben an Got. Die andern aber haltē/ Man müge wol
fliehen/sonderlich die so nicht mit empten verhasstet sind.

Die ersten/weys ich irer guten meynung halben nicht zu ta
deln/Denn sie eine gute sache rhämen/Nemlich/einen starckē
glawben. Vnd sind zu loben in dem/das sie gerne wölten alle
Christen im starcken festen glauben haben. Es gehörit auch nit
ein Wilchglaube dazu/das man des todes gewarte /vor wel
chem sich auch fast alle heyligen entsetzt haben /vnd noch entse
zen/Vñ wer wolt die nicht lobē/die mit ernst so gesymmet sind
das sie des todes nicht gros achten/vnd sich vnter Gottes ru
te williglich gebene/so ferne das solchs auch geschehe/on Got
tes versuchunge /wie wir hören werden.

Aber weil es vnter den Christen so gethan ist/das der star
cken wenig vnd der schwachen vil sind/Kan man fürwar nicht
eynerley allen auffladen zu tragen. Ein starckgläubiger kan
giffit trincken vñ schadet jm nichts. Marc. vlt. Ein schwach
gläubiger aber trüncke den todt daran. Petrus künde auff dem
meer gehen/da er starck im glaubē war/Aber da er zweyfelt vñ
schwach im glauben ward /sanck er vnter vnd wolt ersaffen.
Ein starcker so er mit eym schwachen wandert/müs er warlich
sich schickē/das er nit nach seiner stercke lauffe/Er lieff sunst
den schwachen balde zu tode. Tu wil Christus seine schwache
nicht verwoiffen haben/wie S. Paulus Rom. 15. vnd. 1. Co
rinth. 12. leret.

Vnd das wirs kurtz vnd eygentlich fassen/sterben vnd tode
fliehen/mag geschehen zweyerley weyse. Das erst/so es ge
schieht wider Gottes wort vnd befehl/Als nemlich/ Wo ye
mand vmb Gots wort willen gefangen were /vnd auff das er
dem tode entlieffe /Gots wort leucket oder widerrieffe. In sol
chem fal/hat yederman einen öffentlichen befehl vnd gepot
von Christo/das er nicht fliehen/sonder lieber sterben sol/wie
er spricht/Wer mich verleucket vor den menschen/den wil ich

wider verleucken vor meinem Vater im hymel. Vnd Matth.
10. fürcht nicht die so den leyb tödten/vnd darnach nichts ha-
ben/das sie thun etc.

Desselbigen gleichen/die so im geystlichen ampt sind / als
prediger vnd seelsorger/sind auch schuldig zu stehen vnd bleibe
in sterben vnd todts nöten/Denn da stehet ein öffentlicher be-
felh Christi/ Ein güter hirt leyt sein leben für seine schaff/ Aber
ein miedling sibet den wolff kumen / vnd fleucht / Den im ster-
ben darff man des geystliche ampts am aller höchsten / das da
mit Gots wort vñ Sacrament die gewissen stercke vnd tröste
den todte im glauben zu vberwinden. Doch wo der prediger so
vil vorhanden were / vñ sich vnternander selbs vereynigen/
das sie etliche vnter in weg zu zihen vermanete/ als die on not
in solcher fahr/ blibe/ acht ich/ Es solt nicht sünde sein/ weil dz
ampt sunst gnugsam versorget were/ vñ sie/ wo es not were/ zu
bleiben willig vñ bereit sind/ Gleich wie man von S. Athana-
sio lisset/ das er von seiner kirchen flob/ auff das sein lebē erret-
tet würde/ weil sunst vil da waren/ die des ampts wartete. Irē
S. Paulus lieffen die brüder zu Damasco durch die mauren in
einem korbe/ das er entran/ Acto. 9. Vnd Acto. 19 lies er sich die
Jünger halte/ das er sich nicht auff den marckte gab in die fahr
weyl es nicht not war.

Demnach sind auch alle die so in weltlichen ämpten / als
Bürgermeyster vnd richter / vnd der gleichen/ schuldig zu bley-
ben/ Den da ist abermal Gots wort/ das die weltliche oberkeit
einsetzt/ vnd besilht die stad vnd land zu regiern/ schützen vnd
handhaben/ wie S. Paulus Ro. 13. sagt. Die oberkeit ist Gots
dienerin/ fride zu handhaben etc. Den es gar ein grosse sünde
ist/ Ein ganze gemeyne/ die yemand zu versehen besolhen ist/
so lassen on haubt vñ regiment sitzen/ in aller fahr/ als ist/ Gewi-
nlicher/ Aufrur/ vnd allerley vnfall/ das der teuffel möcht zu
richten/ weil kein ordnung da ist. Vnd S. Paulus spricht/ Wer
die seinen nicht versorgt/ verleuckt den glauben / vnd ist erger
dem eyn Zeyde. Flieden sie aber ia für grosser schwacheit / das
sie zu sehen/ vnd stellen an ire stat gnugsame verwalter / damit

die gemeyne wol versehē vnd verwaret sey/wie dioben gesagt ist/Vñ vleissig darnach forschen vñ drauff sehen/das also gehe.

Was nu von disen zwey ampten gesagt ist/sol auch verstanden werden von allen andern personen/so mit dienst oder pflicht verbunden sind aneinander. Als ein knecht sol nicht fliehē von seinem Herrn/noch eyne magd von ihrer frawen/Es sey denn mit wissen vnd vrlaub des Herrn oder frawen. Widerumb ein Herr sol seinen knecht nicht lassen/ noch ein fraw ire magd/Es sey denn/ das sie die selbigen sunst vnd anderswo versorgen gnugsamlich. Denn in disen stöcken allen ist Gots gepot/das knecht vnd megde sollen gehorsam seyn/vnd sind verbunden. Widerumb herrn vnd frawen ihr gesinde versorgen. Also auch ist Vater vnd mütter gegen kindern/vnd widerumb kinder gegen vater vnd mutter durch Gots gepot verbunden zu dienen vnd zu helffen etc. Item was gemeyne personen sind/auff solt vnd lohn gedingt/ als ein stadt arzt/stadt diener/söldener/vnd wie die mügen genennet werden/mügen nicht fliehen/sie bestellen denn andere tüchtige vñ gnugsame an ire stat/die von den Herren angenommen werden sollen.

Denn wo sunst kein eltern sind/da sind auch die fürmunden vñ nehist freundschaft bey iren freunden zu bleybē schuldig/oder ye mit vleis verschaffen/das an ire stat andere seyen/die ire krancken freünde versorgen. Ja es kan kein nachbar vom andern fliehen/wo sunst nicht sind/die der krancken mügen an ire stat warten vnd pflegen. Den in disen fellen ist allerort ge der spruch Christi zusürchten. Ich bin kranck gewesen/vnd jr besucht mich nicht etc. Aus welchem spruch wir alle sind aneinander verbunden/das keins das ander lassen sol in seinen nöten/sonder schuldig ist im beyzustehen vnd helffen/wie er vlt im selber geholffen haben.

Wo aber solche not nicht ist/vnd sunst gnug fürhandē sind/die da warten vnd versorgen/Es sey durch ihr eygen pflicht oder willkōie/oder durch der schwachglawbigen verschaffung ge bestellet/das man ihr nichts dazu bedarff/Vnd zuuo: /so es

die krankē nicht haben wollen/sonder weggern. Da acht ich/
sey es frey/ beyde zu fliehen vnd zu bleyben. Ist yemandt so keck
vñ starck im glauben/der bleybe im namen Gottes/Er sündigt
freylich dadurch nicht. Ist aber yemandt schwach vñ forchtig/
der fliehe im namen Gottes/weyl er solchs thut on nachteyl sei-
ner pflicht gegen seynem nehesten /sonder mit gnugsamer er-
statunge durch andere verso: get vñ bestellet. Den sterben vñ tod
zuzuliehn/vnd das leben zurretten/ist natürlich von Got einges-
pflantz/vnd nicht verbotten / wo es nicht wider Got vnd den
nehesten ist/wie S. Paulus sagt Eph. 4. Niemandt hasset sein
fleysch/sonder wartet vñ pflaget sein. Ja es ist gebotte/das ein
yeglicher sein leyß vñ leben beware vnd nicht verwarlose/so vil
er ymmer kan/wie Sanct Paulus sagt. 1. Corinth. 12. Das Got
die gelidmaß gesetzt hat in leybe/das ymmer eins für das ander
sorget vnd schafft.

Ists doch nicht verbotten /sonder vil mer gebotten/das wir
im schweyß vnser angesichts/vnser teglich narunge/kleydung
vnd allerley nortwiffte suchen/vñ schaden oder not meyden/wo
wir können/so ferren solchs geschehe/on schaden oder nachteyl
der liebe vnd pflicht gegen vnsern nehesten. Wie vil billicher ist
den/das man das leben suche zur erhalten vnd den todt fliehe/
wo es sein kan/on nachteyl des nehesten/Syntemal leyß vñ les-
ben ja mer sind/den speyse vnd kleyder/wie Christus selbs sagt/
Matth. 5. Ist aber yemandt so starck im glauben/das er wil-
liglich blosse/hunger vñ not leyde kan/on Gottes versuchē/vñ
sich nicht wil herauß arbeyten / ob er wol künde/der fare seynes
weges auch/ Vnd verdamme die nicht / die solchs nicht thun/
oder nicht thun können.

Das aber den todt fliehen/sfür sich selbs/nicht vnrecht sey/Be-
weyßen gnugsam die Exempel der schufft. Abraham war ein
grosser heylige / noch forchte er den todt vnd floch in / mit dem
scheyn/do er sein weyß Sara seine Schwester nemmet. Aber weyl
er das thet on seines nehesten nachteyl oder verfeumen / wirds
im für keine sünde gerechnet / Desselbigen gleichen thet sein sun
Isaas auch. Item Jacob floch für seinem brüder Esau/das er

nicht ertödet wurde. Item Dauid floch für Saul vnd Absalom. Vnd der Prophet Orias floch in Egypten für dem König Joakim. Auch Elias. 3. Regum. 19. der thürstige prophet/do er die Propheten Baal hatte alle erwürget durch den grossen glaubē/doch do in die Königin Isebel ließ trewen/forcht er sich vnd floch in die wüsten. Vnd vor im Moses/do in der König in Egypten suchte/floch er ins landt Midiam. Vnd so fort an vil andere. Dise alle sind vor dem tod geflohen/wo sie gemocht haben/vnd das leben erredtet/doch so ferren/das sie dem nehesten damit nichts entwand haben/sonder zu vor außgericht/was sie schuldig waren.

Ja spüchstu/dise Exempel reden nicht vom sterben oder pestilenz/sonder vom tode/so durch verfolgung kumbt. Antwort. Tod ist tod/er künne wo durch er künne/So zeucht Got seine vier plagen oder straffen an in der schüfft/als die pestilenz/hunger/schwerdt vñ wilden thiere. Mag man nu der selbigen eine oder etliche fliehen mit Got vñ gutem gewissen/warumb auch nicht alle viere? Die vorigen exempel zeygen an/wie die lieben heyligen väter haben das schwerdt geflohen/So ist ja offenbar genug/das Abraham/Isaac/vnd Jacob mit seinen sinnen flohen die andere plage/nemlich den hunger oder theürunge/do sie in Egypten zogen für der theürung/wie wir in Genseli lesen. Also warumb solt man nicht für den wilden thiern fliehen? So höre ich wol/wen ein krieg oder der Turck keine/so solt niemant auß ein Dorffe oder Stetlein fliehen/sonder alda der straffe Gottes durchs schwerdt erwartē? Ist wol war/wer so starck ist im glauben/der warte sein/Aber er verdanne die nicht so da fliehen.

Also auch wenn ein hauß brennete / müste niemant herauß lauffen oder zulauffen zu retten/dan feür ist auch ein straff Gottes. Vñ wer in ein groß wasser fiel/müß nicht herauß schwimmen Sonder sich dem wasser lassen / als Göttlicher straffe. Wolant wilstu es thun/so thü es/vnd versuche Got nicht/Las aber die andern thun was sie vermüge. Item/wen einer ein beyn breche/oder verwundet /oder gebissen were / müste ers nicht heylen lassen/sonder sagen/Es ist Gottes straffe/die wil ich tragen/biß

selber heylet. Frost vnd Winter ist auch Gottes straffe daran man möchte sterben/Warumb lauffestu zum feir oder in die sturben? Sey starck vnd bleybe im frost biß es wid er warm wirdt. Mit der weyse müß man kein Apoteker noch erzney noch erzte haben/Dan alle krankheyt sind Gottes straffe. Zunger vñ durst ist auch grosse straffe vnd marter/Warumb issest vnd trinckest du dan/ vnd lessst dich nicht damit straffen/biß selber auffhöret? Zu lezt solten vns wol solche rede dahyn dungen/das wir das Vater vnser abtheten vñ beten nicht mer/ Erlöse vns vom vbel. Amē. Syntemal allerley vbel auch Gottes straffe ist. Vnd müßten hynfurt auch nicht bitten wider die helle/ noch sie meyden/Dan die ist auch Gottes straffe. Was wolt darauff werdē?

Auß dem allem nemen wir solche vnterricht/Wir sollen wider allerley vbel bitten vñ auch vns dafür hüten / wie wir können/so ferren/das wir nicht wider Got damit thun/ wie d oben gesagt ist/Wil vns Got darinnen haben vnd würgen/so wirdt vnser hüten nichts helfen/ Auß das eyne yeglicher seyn hertze also richte. Erstlich/ist er gebunden/das er muß im sterben bleyben/seinem nehesten zu dienst/so befehle er sich Got vnd spreche Herr in deiner hand bin ich/du hast mich hie angebunden/Dein wille geschehe/Dann ich bin dein arme Creatur/Du kanst mich hierynt ödten vnd erhalten/so wol/als wenn ich etwa im feir/wasser/durst/oder andere schuldigkeyt angebunden were. Ist er aber loß vnd kan fliehen/So befehle er sich abermal vñ spreche/Herr Got ich bin schwach vnd forchtsam/Dann fliehe ich das vbel vnd thü so vil darzu als ich kan / das ich mich dafür hüte. Aber ich bin gleichwol in deiner hand/in disem vñ allerley vbel so mir begeben mügen/ Dein wil geschehe/ Dann meine flucht wirds nicht thun. Syntemal eytel vbel vnd vnfal allenthalben ist/Dan der teuffel feyret vñ schleift nicht/welcher ist ein vnder von anfang/vnd sucht allenthalben eytel mord vñ vnglück an zurichten.

Den auß die weyse müssen wir vñ sind schuldig mit vnserm nehesten/auch in allen andern nöten vñ fabr zu handeln. Vñ net sein hauß/so heist mich die liebe zu lauffen vñ helfen lesche.

Ist sunst volck genug das da leschen kan/mag ich heym geben
 oder da bleyben. Sellet er in ein wasser oder grüben/so mus ich
 nicht dauon/sondern zulauffen/wie ich kan/ vnd jm helffen/
 Sind ander da/die es thun/so byn ich frey. Sibe ich das er hun-
 gert oder dürstet/so mus ich in nicht lassen/sonder speysen vñ
 trencken/vnd nicht ansehen die sache/ob ich arm oder geringer
 dadurch werde. Denn wer dem andern nicht ehe wil helffen vñ
 beystehen/er müge es denn thun/on sache vnd schaden seynes
 guts oder leybs/der wirt nymer nicht seinem nehesten helffen
 Denn es wirt allezeit sich ansehen als sey es jm selbs ein ab-
 bruch/sache/schaden oder verfeummis. Kan doch kein nachbar
 bey dem andern wonen on sache/leybs/guts/weybs vnd kinds/
 Denn er mus mit jm wage/das ein fewr oder ander vnfall aus
 seines nachbars hause kumme/vnd verderbe in mit leyb/gut/
 weyb vnd kind vnd allem was er hat.

Denn wo einer dem andern solchs nicht thet/sonder lieffe
 seinen nehesten so ligen in nöten/vnd flohe von jm/der ist für
 Got ein möder/wie S. Johannes sagt in seiner Epistel. Wer
 seinen Bruder nicht liebt der ist ein möder. Vnd abermal/ So
 yemand diser welt güter hat/vnd sibet seinen nehesten not lei-
 den/wie bleibt die liebe Gottes in jm/Denn das ist auch der
 sünden eyne/die Gott der Stadt Sodoma zurechent/da er spie-
 chet durch den Propheten Ezechiel/Sibe das war die sünde der
 ner Schwester Sodoma. Müßiggang/fülle vnd gnüge/vnd
 reichten dem armen die hand nicht. So wirt auch Christus
 am Jüngsten tage sie verdammen als möder/da er sprechen
 wird/Ich war krank vnd jr besuchet mich nicht. So aber die
 sollen so geurteylt werden/die zu den armen vnd krankten nit
 gehen vnd hülffe anbieten/Wie wils den gehen/die von jm
 lauffen/vnd lassen sie ligen wie die hunde vnd fewe? Ja wie
 wils denen gehen die den armen noch dazu nemen was sie ha-
 ben vnd legen in alle plage an? Wie yetzt die Tyrannen thun
 mit den armen leuten/so das Euangelion annemen. Aber laß
 gehen/sie haben ire vrt Eyl.

Wol war ist/wo ein solch stadlich regiment in stedten vñ

landen ist / das man gemeyne heuser vñ spital kan halten / vnd mit leuten / die jr warten / versorgen / da hin man aus allen heusern alle trancken verordnete / wie denn vnser vorfarē freylich solchs gesucht vnd gemeynet haben / mit so vil stifften / spitalen vnd siechheusern / das nicht ein yeglicher bürger in seynem hause müst ein spital halte / das were wol fein / löblich vñ Christlich / da auch billich yederman mildiglich zu gebē vñ helffen solte / sonderlich die oberkeit. Wo aber das nicht / als den an wenig orten ist. Da müssen wir für war / einer des andern spitalmeyster vnd pfleger sein in seinen nöten / bey verlust der seligkeit vñ Gottes gnaden / Den da stehet Gottes wort vñ gepot. Liebe deinē nehiste als dich selbs. Vñ Mat. 7. Was jr wöllet das euch die leute thun sollē / das thut auch jr denselbigen.

Wo nu das sterben hinkumet / da sollen wir so do bleyben / vns rüsten vñ trösten / sonderlich / das wir aneinander verbunden sind (wie droben erzelet ist) das wir vns nicht lassen können noch fliehen von einander. Erstlich damit / das wirs gewiß sind / Es sey Gottes straffe / vns zugeschickt / nicht alleyne die sünde zu straffen / sonder auch vnsern glauben vñ liebe zunerfuchen / Den glauben / auff das wir sehen vnd erfare / wie wir vns gegen Got stelle wölle. Die liebe aber / auff das man sehe / wie wir vns gegen den nehesten stellen wölle / Denn wiewol ich achte / das alle Pestilenz / durch die bösen geyster werdē vnter die leute gebracht / gleich wie auch andere plagen / das sie die lufft vergifften / oder sunst mit eynem bösen odem anblasen / vñ damit die tödeliche giff in das fleisch schieffen / So ist doch gleichwol Gotes verhengnis vñ seine straffe / der wir vns mit gedult vntergeben sollen / vnd vnserm nehesten zu dienst / also vnser leben in die fahr setzen / wie S. Johannes leret vñ spricht hat Christus sein leben für vns gegeben / so sollen wir auch für die bünder vnser leben lassen.

So aber yemand das grawen vnd schawen für den trancken anstosset / Der sol einen müten nemen / vñ sich also stercken vnd trösten / das er nit zweyffel / Es sey der teuffel / der solche schewforcht vnd grawen erregt im herten / Denn so ein bitter böser

teuffel ist/s das er nicht alleynen on vnterlas zu tödten vñ mörden sucht/sondern seine lust damit büffen wil/das er vns schreck erschreckt vnd verzagt zum tode mache/auff das vns der todt ia auff aller bitterst werde/oder yhe das leben keyn rüge noch fride habe/vnd vns also mit diecke zu diesem leben hinaus stosse/ob er möcht zu wegen bringen/das wir an Got verzweyffleten/vnwillig vnd vnberet zum sterben wurden/vñ in solch er forcht vnd sorge/als im tuncckeln wetter/Christum vnser liecht vnd leben vergessen vnd verloren vnd den nehesten in nöten lieffen/vnd vns also versündiget an Gott vnd mensche das were sein hertz vnd lust. Weyl wir den wissen/das des teuffels spil ist solch schrecken vnd fürchten/so sollen wir widerumb vns desselbigen nur deste weniger an nemen/jm zu trotz vnd verdieß eynen müß fassen/vnd sein schrecken wider auff in treyben vnd von vns weisen/Vnd mit solcher rüstunge vns weren vnd sagen.

Heb dich teuffel mit deym schrecken / Vnd weyl dichs verdienst/so wil ich dir zu trotz nur deste ehe hinzü gehen zu meinē nehesten krankē/jm zu helfen/vnd wil dich nicht ansehen/Vnd wil auff zwey stück gegen dich pochen. Das erst ist/dz ich fürwar weiß/das diß werck Gotte vñ allen Engeln wolgefelle/vnd wo ichs thū/das ich in seinem willen vñ rechten Gots dienst vñ gehorsam gehe/vñ sonderlich weyl es dir so vbel gefellet/vñ du dich so hart da wider setzest/so mus es freylich in sunderheit Gotte gefallen/Wie willig vnd frölich wolt ichs thū/wens nur einem Engel wol gefiele der mir züsehē vñ sich mein düber frewete. Tu es aber meym Herrn Ihesu Christo vnd dem ganzen hymlichen heere wol gefellet/vnd ist Gotes meyns vaters willen vnd gepot/was solt mich dein schrecken denn bewegen/das ich solche freude im hymel vnd lust meyns Herrn solt hindern/vñ dir mit deinen teuffeln in der helle eyngelichter vnd gespöt vber mich anrichten vnd hofieren Nicht also/du solts nicht endē. Hat Christus seyn blüt für mich vergossen vnd sich vmb meynen willen in den todt gegeben/Warumb solt ich nicht auch vmb seinen willen mich in eyne kleyne

sah: geben/vñ ein amechtige Pestilenz nicht thüren ansehē?
Kannstu schrecken/so kan mein Christus stercken/kanstu tödtē/
so kan Christus leben geben/Hastu giffte im maul/Christus hat
noch vil mehr ergney. Solt mein lieber Christus mit seym ge-
pot/mit seiner wolthat vñ allē trost nicht mehr gelten in mey-
nem geist/den̄ du leydiger teuffel mit deynem falschen schre-
cken in meynē schwachen fleisch/das wolt Gott nymē mehr.
Zeb dich teuffel hinder mich/Hie ist Christus vnd ich seyn die-
ner in disem werck/der sols walten/ANLE 7.

Das ander ist die starcke verheysungē Gottes/damit er ver-
tröstet alle die so sich der dürfftigen annemē vñ spricht. Psal.
41. Wol dem der sich des dürfftigen annympt/den wurd̄t der
HERR erretten zur bösen zeit. Der HERR wirt in bewarē
vñ beym leben erhalten vnd im lassen wol gehen auff erden/
vnd nicht geben in seiner feynde willen. Der HERR wirt in
erquickē auff dem bette seins wehtages/sein ganzes lager
wandelstu in seiner krankheit. Sind das nicht herliche mecht-
tige verheysungē Gottes/mit hauffen heraus geschüt auff
die/so sich der dürfftigen annemē? Was solt doch einē schre-
cken oder bewegen wider solchen grossen trost Gottes? Es
ist fürwar ein schlecht ding/vmb den dienst/den wir thū müs-
gen an den dürfftigen/gegen solche verheysungē vnd vergel-
tungē Gottes. Das wol Sanct Paulus sagt zu Timotheo.
Die Gotselickheit ist zu allerley nutz/vnd hat verheysungē bey-
de dises lebens vñ des zukünfftigen. Gotselickheit ist nicht an-
ders den̄ Gottes dienst/Gottes dienst ist freylich/so man dem
nehestē dienet. Es beweyset auch die erfahrungē/das die so sol-
chen krankē dienē mit lieb/andacht vñ ernst/das sie gemey-
niglich behütet werden. Vnd ob sie gleich auch vergiffte wer-
den/das in democh nit schadet/gleich wie hie der Psalm sagt
Sein ganzes lager wandelstu in seiner krankheit/das ist/du
machst im aus dē siechbette vñ kräcklager ein gesund lager zē.
Wer aber eyns krankē wartet vmb geytz vnd erbtē yl wil-
len/vnd sucht das seyne in solchem werck/da ist̄s auch mit wun-
der/das er zu lezt vergiffte werde vñ beschmeißt/das er hūmach

fare vnd auch sterbe / ehe denn er das güt vnd erbe besitze.

Wer aber auff dise tröstliche verheysung solchs thut / ob er gleych einen zimlichen lohn drumß nimbt / als der es wol bedarff (syntemal ein yeglicher taglöhner seins lohns werd ist) Der selbige hat hie widerumb einen grossen trost / das sein sol wider gewartet werden / Got wil selbs sein warter sein / darzu auch sein arzt seyn / O welch eyn warter ist das / O welch eyn arzt ist das / Lieber was sind alle Erzte / Apoteken vñ warter gegen Got? Solt einem das nicht einen müß machen / zu dem Francken zu gehen vnd in dienen / weñ gleich so vil diüße vnd pestilenz an inen weren / als hare am ganzem leybe / vnd ob er gleich müste hundert pestilenz an seym halse heraus tragen? Was sind alle pestilenz vñ teuffel gegen Got / der sich hie zum warter vnd arzt verbindet vnd verpflichtet? Pfu dich vnd aber pfu dich / du leydiger vnglaube / das du solchen reichē trost solt verachten / vnd lest dich eine kleine diüß vnd vngewisse fahr mer schrecken / den solche Götliche / gewisse / trewe verheysung ge stercken. Was hülfß / weñ alle erzte da weren vñ alle welt dein müste warten / Got aber were nicht da? Vnd widerumb / was schadets / wenn alle welt von dir lieffe vnd kein arzt bey dir blibe / so Got aber bey dir blibe / mit solcher verheysung? Mainstu nicht / das du als denn mit vil tausent Engeln umbgeben bist / die auff dich sehen / das du die pestilenz mit füßen magst trettē? Wie im. 91. Psalm stehet. Er hat seinen Engeln sofolhē vber dir / das sie dich bewaren auff allen deinen wegē / Auff den henden werde sie dich tragē / das du deinen fuß nicht an eynten steyn stoffest / Auff dem Löwen vnd Attern würstu gehen / vnd tretten auff den jüngern löwen vnd drachen.

Darumb lieben freunde / last vns nicht so verzagt seyn vnd die vnsern / so wir verpflichtet sind / nicht so verlassen / vñ für des Teufels schrecken so schendlich fliehen / davon er vber vns eine Freude vñ spot / vñ Got on zweyfel sampt allen Engeln einen vnwillen vnd vnlust hat / Dañ das wirdt gewislich widerumb war seyn / Das wer solche reiche verheysunge vnd Gottes gesot veracht / vñ die seinen lest in nöten / das der schuldig wird

seynt an allen gebotten Gottes / vnd ein möider erfunden wer-
den an seynem verlassen nehesten / Vnd da werden sich denn
solche verheysung vmbkeren (sorge ich) vnd inn grausame
drewen verwandelt / vnd den Psalm wider die selbigen also
deuten / Vnselig ist der / so sich des dürfftigen nicht annimbt /
sonder fleucht vnd verlest / Den selbigen wirdt der **HERRE**
widerumb auch nicht erretten zur bösen zejt / sonder auch von
im fliehen vnd verlassen / Der **HERRE** wirt in nicht behütē
noch beym lebē erhalten / vnd wirds im nicht lassen wol gehen
auff erden / sonder geben in seiner feynde hende / Der **HERRE**
wird in nicht erquickē auff dem bette seines wehtages / noch
sein lager verwandeln in seiner krankheyt / Den mit welchem
maß wir messen / wirdt vns wider gemessen werden / Da wirdt
nicht anders auß / Solchs aber ist schrecklich zu hören / noch er-
schrecklicher zu gewarten / vnd aller erschrecklichst zu erfahren /
Dann was kan da sein / da Got die handt abthut vnd verlest.
anders denn eytel teuffel vnd alles vbel? Nun kans nicht an-
ders sein / wo man so den nehesten verlest wider Gottes wort
vnd gebot / Vnd wirdt ein yeglichen gewißlich also ergehen
Er thū denn gar redliche büsse darfür.

Das weys ich aber wol / wenn Christus selbs oder sein müt-
ter yetz etwa krank lege / da were ein yeglicher so andechtig
das er gern diener vnd helffer wolt seyn / Da wurde ein yegli-
cher wöllen küne vnd keck sein / Niemandt wolt fliehen / son-
der alle zu lauffen. Vnd hören doch nicht / das er selbs spricht /
Was jr den geringsten thut / das thut jr mir selbs / Vnd da er
vom ersten gebot saget / spricht er / Das ander gebot ist dem
gleich / du solt deinen nehesten lieben als dich selbs / Da höstu /
das der liebe gebot zum nehesten / gleich sey dem ersten gebot /
der liebe zu Got / Vñ was du deinem nehesten thust oder lestest
sol heysen so vil als Got selber gethan vñ gelassen. Wiltu nū
Christo selber dienen vñ sein warten / wolan so hastu da vor diū
deinen krankē nehesten / gehe hin zu im vnd diene im / so fin-
destu gewißlich Christū an im / nicht nach der person / sonder in
seinem wort. Wiltu aber vñ magst deinem nehesten nicht die

nen/so glaube fürwar/wen Chriſtus ſelbs da were/du thetteſt
 eben auch alſo/vñ lieſteſt in ligen/vñ iſt nicht bey dir/deñ eytel
 falſche gedancē/die dir einen vnnützen dunckel machen/wie
 du Chriſto wolteſt dienen/wen er da were/Es ſind eytel lügē/
 deñ wer Chriſto leyblich dienen wurde/der dienete ſeinem nes
 beſten auch wol.Das ſey geſagt zur vermanung vnd troſt/wi
 der das ſchendliche fliehen vñ ſchrecken/damit der teuffel vns
 anſicht/wider Gottes wort vnd gebot zu thun an vnſerm nes
 beſten vnd ſündigen alzu ſeer auff der linckē ſeyten.

Widerumb ſündigē etliche alzu ſeer auff die rechten ſeyten
 vnd ſind alzu vermessen vnd keck/alſo das ſie Got verſuchen/
 vñ laſſen alles anſtehen/damit ſie dem ſterben oder peſtilentz
 weren ſolten/verachtē erzney zunemen/vñ meyde nicht ſtette
 vñ perſon/ſo die peſtilentz gehabt vñ auffkūmen ſind/Sonder
 zechen vnd ſpilen mit in/wöllē damit ire freydigkeyt berwey
 ſen/vnd ſagen/Es ſey Gottes ſtraffe/wölle er ſie behüten/ſo
 wirdt ers wol thun/on alle erzney vnd vnſern fleiß.Solches
 heyßt nicht Gott trawen/ſondern Got verſuchen/Dañ Got
 hat die erzney geſchaffen vñ die vernunfft gegeben/dem leybe
 für zuſtehen vnd ſein pflegen/das er geſundt ſey vñ lebe.Wer
 der ſelbigen nicht brauchet/ſo ers wol hat vñ kan/on ſeines nes
 beſten ſchaden/der verwarloſet ſeynen leyß ſelbs/vnd ſebe zu/
 das er nicht ſeyn ſelbs möder erſunden werde für Got/Damit
 mit der weyſe möcht yemandt auch eſſen vnd trinckē/kleyder
 vnd hauß laſſen anſtehen/vnd keck ſein in ſein glauben/vnd
 ſagen.Wölle in Got behüten für hunger vnd froſt/werde ers
 wol on ſpeyße vnd kleyder thun/Der ſelbige were freylich ſein
 ſelbs möder.zu dem/iſt das noch gewolicher/das ein ſolcher
 ſo ſeynen leyß alſo verwarloſet/vnd der peſtilentz nicht hilfft
 vñ vngewiſſen/ſo vil er kan/möchte damit auch vil ander beſchmeyſſen
 vñ vergifften/welche ſunſt wol lebendig bliben/wo er ſeynes
 leyß (wie er ſchuldig iſt) hette gewartet/vñ wurde alſo auch
 ſchuldig ſeines nebeſten todes/vñ vil mal für Got ein möder
 Fürwar ſolche leut ſind gerad/als wen ein hauß in d̄ ſtad bren
 nete dē niemand werete/ſonder lieſſe dem feur raum/das die

ganze stat verbrennete / vnd wölte sagen. Wils Got thun / so
wirdt er die stat wol on wasser vnd leschen behüten.

Licht also / meine liebe freunde / das ist nicht sein gethan /
Sonder / brauche der erzney / nym zu dir was dir helfen kan /
reüchere hauß / hoff vnd gassen / meyde auch person vnd stet /
da dein nehester dein nichts bedarff / oder auff künien ist / vnd
stelle dich / als eyner der eyn gemeyn feür gerne wolte helfen
dempffen / Den was ist die pestilenz anders denn ein feür / das
nicht holz vñ stro / sonder leib vñ leben auffreisset. Vnd dencke
also / Wolan der seyndt / hat vns durch Gottes verhenckniß
giffte vñ tödliche geschmeiß herein geschickt / so wil ich bitten
zu Got / das er vns gnedig sey vnd were. Darnach wil ich auch
reüchern / die lufft helfen segen / erzney gebe vñ nemen / meye
den stet vnd person / da man mein nichts bedarff / auff das ich
mich selbs nicht verwarlose / vnd darzu durch mich vñ leicht vil
andere vergiffen vnd anzünden möchte / vnd jnen also meine
hynlessigkeyt vrsach des todes sein. Wil mich mein Got dar
über haben / so wirdt er mich wol findē / so hab ich doch gethan /
das er mir zu thun gegeben hat / vnd bin weder an meinem ey
gen noch ander leute tode schuldig. Wo aber meyn nehester
meyn darff / wil ich weder stet noch person meyden / sonder frey
zu jm gehen vñ helfen / wie droben gesagt ist. Sihe / das ist ein
rechter Gotfürchtiger glaube / der nicht thumtüne noch frech
ist / vnd versucht auch Got nicht.

Widerumb der die pestilenz gehabt / vñ zu krefften kumbt /
sol auch selbs die leute meyden / vnd nicht wöllen bey sich ley
den / on not. Denn wiewol man jm sol in seiner not beystehen
vnd nicht lassen / wie gesagt ist. So er aber nun auß der not ist
künien / sol er sich auch widerumb gegen die andern halten / das
niemandt vñ seinen willen in seine ferligkeyt künie / on not /
vnd vrsache gebe einem andern zum tode. Den wer ferligkeyt
liebet (spricht der weyse man) der wirdt darinnen verderben.
Wen man sich also in einer stat hielte / das man keck im glans
ben were / wo es der nehesten not fordert. Vnd widerumb fürs
sichtich / wo es nicht not were / vnd hülffe ein yeglicher also

der giftt weren/wo mit man kündte/so solt freylich ein gnedigs sterben in solcher stad sein. Aber wens also zügehert/das ein teyl alzu verzagt ist vñ fleucht von seinem nehisten in der not. Das ander teyl alzu thum küne/vñ nicht hilfft werē/sonder mehien/da hat der teuffel güt machen/vñ müs wol dz sterben groß werden. Den auff beyden seyten Got vnd mensch höchlich Belaydigt wirt/hie mit versuchen/dort mit verzagē. So iagt den der teuffel wer da fleucht/vñ behelt gleychwol den der da bleybt/das jm also niemand entlaufft.

Über das sind etliche noch erger/welche so die Pestilenz heimlich habē/vnter die leute ausgehen/vñ haben solchē glauben/wo sie ander leute kundten damit beschmeissen vnd vergifften/so wurden sie der selbigē loß vñ gesund/gehen also in solchā namen beyde auff gassen vnd in heuser/das die Pestilenz wöllen andern oder iren kindern vñ gesinde an den hals hengen/vnd sich damit erretten/Vñ wil wol glaubē/das der teuffel solchs thū vñ helffe also das redlin treyben/das es also gee vnd geschehe. Auch lass ich mir sagen/das etliche so verzweyffelt bößhaftig sind/das sie mit der Pestilenz alleine darumb vnter die leute/oder in die heuser lauffen/das jm layd ist/dz die Pestilenz nicht auch da ist/vñ wöllen sie dahin bringen/gerade als were dise sache ein solcher scherz/als wenn man yemāds zur schalck eit leuse in pelz oder fliegen in die stubē setzet/Ich weyß nicht/ob ichs glauben sol/Ists war/so weyß ich nicht/ob wir Teutschen/menschen oder selbs teuffel sind. Vnd zwar man findet vber alle masse grobe böse leute/So ist der teuffel auch nicht faul. Aber meyn rath were/wo man solche funde/das sie der richter bey dem kopffe neme/vnnd vberantwortet sie Meyster Hansen/als die rechten mütwilligen möder vnd böser richter/Was sind solche leute anders denn recht meuchelmörder in der stad? gleich wie die meuchelmörder stossen hie vnd dort ein messer durch eynen/vnd müs dennoch niemandt gethan haben. Also schmeissen dise auch/hie eyn kindt/da eyn weyß/vñ müs auch niemandt gethan haben/vnd gehen denn noch lachend dahin/als hetten sie es wol ausgericht. Mit der

weise/were es Besser Bey wilden thieren zu wonen/den̄ bey sol-
chen mōrdern. Difen mōrdern weiß ich nicht zu predigē/sie ach-
tens nicht/Ich Befelhs der oberkeit/das die zū sehe vñ mit hilf
vnd rath/nicht der erzte/sondern Meyster Hansen da zū thū/
Zat nu Got selbs im alten Testament befolhen die aussereizigē
aus der gemeyne zuthun vnd aussen für der stadt zu wonē/vmb
das geschmeys zuuermeyden. So sollē wir ia vil mehr also thun
in disen sehlichen geschmeys/das so sie yemande kriegt / sich
als Balde von den leuten selbs thū/oder thun lasse / vnd fluchs
mit erzney hülffe gesucht/Da sol man im helffen/vnd in solch
er not nicht lassen/Wie ich droben genūgsam habe angezeygt
auff das also die giffte bey zeyt gedempfft werde/nicht alleyne
der eynigen person/sondern der ganzen gemeyne zu gūt/wel-
che dadurch möcht vergiffte werden/so man sie liesse so außbrea-
chen vnd vnter ander kumen. Denn also ist yetzt vnser Pestis
lengz hie zu Wittemberg/alleyne aus geschmeysse herkumen /
Die luffte ist Got lob noch frisch vñ reyn / Aber aus lauter thum
kūhneyt vnd verseūmunge/hat sie etliche /vnd der wenig/ver-
giffte. Wiewol der Teuffel sein freudenspil hat/mit dē schies-
cken vñ fliehe/so er vnter vns treybt/Got wolt im werē/Amē.

Das ist vnser verstand vñ meynung/von dem fliehen für dē
sterben/So euch etwas anders dancken sol/das wolt euch got
offenbaren/Amen. Weyl aber diser brieff so durch den ducck
ausgehen/das auch die vnsern den selbigē lesen sollen/So sehe
ichs für gūt an/eyne kurze vndterricht daneben zu stellen/wie
man sich auch der seelen halben schickē vnd halten sol/in sol-
chen sterbens leufften/wie wir denn die selbigen auch münd-
lich auff der Cangel gethan vnd teglich thun/damit wir auch
vnserm ampt gnūg thun/die wir zu seelsorgern beruffen sind.
Erstlich sol man das volck vermanen/das sie zur kirchen in die
predigt gehen vnd hören das sie lernen Gottes wort/wie sie le-
ben vnd sterben sollen/Den̄ da sol man acht auff haben/das/
welche so rohe vnd rauchlos sind/das sie Gottes wort verachs-
ten weyl sie leben/die sol man auch widerumb lassen ligen in
ihrer krankē eyt/Es sey denn/das sie mit grossem ernst/mit wey

nen vnd klagen / jre reu vnd büsse beweysen / Den wer wie ein
 zeyde oder hund wil leben / vnd des keyn öffentliche rewe hat
 den wöllent wir auch das Sacrament nicht reichen / noch vnt
 ter der Christen zal annemen / Er mag sterben / wie er gelebt
 hat / vnd sehe für sich / Denn mir sollen den sewen nicht perlen
 fürwerffen / noch den hunden das heyligthum. Man findet
 leyder so vil grobs verstockts pöfels / das weder im leben noch
 sterben für seine seele soiget / gehen hin vnd ligen sterben auch
 dahin wie die klöße / da weder syn noch gedancken ynn ist.

Zum andern / das eyn yeglicher sich selbs zeytlich schicke vñ
 zum sterben bereyte / mit beychten vnd Sacrament nemen als
 le acht tage oder vierzehen tage eyn mal / versüne sich mit seya
 nem nehesten / vnd mache seyn Testament / auff das / ob der
 Herr anklopffet vnd er vberleyet wurde / ehe den Pfarher oder
 Caplan dazü kumen kundten / er gleychwol seynte seele versor
 get vñ nicht versümet / sondern Gotte befolhen habe / Den es
 auch nicht wol müglich ist / Wo groß sterben ist vñ nur zweent
 oder drey seelsorger sind / das sie zü allen gehen mügen / vñ eym
 yeglichen aller erst alle ding sagen vnd leren / was eyn Chri
 sten mensch wissen sol in sterbens nöten. Welche aber hieryñ
 lessig vñd seümicig seyn werden / die geben für sich selbs rech
 nung vnd sey jre schuld / ob man nicht kan für jrem bette / einen
 teglichen sonderlichen predigstül vnd altar halten / weyl sie dē
 gemeynen predigstül vñ altar so haben verachtet / dazü sie got
 beruffen vnd gefordert hat.

Zum Dritten / Wenn man aber ia der Caplan oder seelsor
 gerbegeerd / das man sie fordere oder lasse die krancken ansa
 gen / bey zeyt vnd im ansange / ehe die kranckheit oberhand nymt
 / vnd noch synn vnd vernunfft da ist. Das sage ich dar
 umb / Denn es sind etliche so versümlich / das sie nicht ehe las
 sen fordern oder ansagen / bis die seel auff der zungen sitzt / vnd
 sie nicht mehr reden können vnd wenig vernunfft mehr da ist
 Da bittē sie den / Lieber Herr / sagt jm das beste für zc. Aber vor
 hin weñ die kranckheit anseheth / wünscht sie nit / das man zu jm
 keme / sonder sprechē / Ey es hat nicht not / Ich hoff es sol besser

werden. Was sol doch ein frumer Pfarher mit solchen leuten
machen/die weder für leyb noch seele sorgen/ leben vñ sterben
dahin wie eyn vieh/solchen sol man denn im letzte augenblick
das Euangelion sagen vnd das Sacrament reychen / gleych
wie sie vnter dem Papstum gewonet sind / da niemandt ge-
fragt hat / ob sie glauben oder das Euangelion wissen /sonder
das Sacrament in den hals gestossen/als in einen brodsack.

Nicht also/Sondern/Welcher nicht reden oder zeichen ge-
ben kan (sonderlich so ers so mütwilliglich versemmet) wie er
das Euangelion vnd Sacrament glawbe/verstehe vnd bege-
re/so wöllten wir es jm nichts vberal reichen/Denn es ist besol-
hen/das heylige Sacrament/nicht den vnglaubigen / sonder
den glaubigen zu reichen/welche jren glauben sagen vnd be-
kennen mügen. Die andern mügen faren/ wie sie glauben/wir
sind entschuldigt/weil es weder an predigen/leren/vermanen
tröstet/besuchen noch an yrgent eym vnsern ampt oder dienst
seylet. Das sey kürzlich die vnterricht /so wir an den vnsern
vben/Nicht für euch zu Bieflaw geschriben/Denn Christus
ist bey euch/Der wird euch wol/on vnser zürhum /leren reych-
lich durch seyne salbe/alles was euch not ist/ Dem sey lob vnd
ehre sampt Got dem Vater vnd heyligen geyst in ewick eit/
A M E N.

Weyl wir aber in dise sache kumen sind vom sterben zu redē
kan ichs nicht lassen/ auch von dem begrebnis et was zu redē.
Auffs erst/laß ich das die Doctores der ertzney vtheilen vnd als
le die des bass erfahren sind/obs fehlich sey/das man mitten in
stedten kirchhöfe hat/Denn ich weys vnd verstehe mich ni-
chts drauff/ob aus den grebern dunst oder dampff gehe/der die
luft verrückte. Wo dem aber also were/so hat man aus obge-
sagten warnungen vsachen gnüg / das man den kirchhoff
auffer der stadt habe / Denn wie wir gehöit haben / Sind
wir allesampt schuldig der gifft zu weren / wo mit man ver-
mag. Weyl Gott vns geholffen hat vnser leybs also zu
pflegen/das wir seyn schonen vñnd warten / so er vns nicht
not zu schickt/vnd widerumb auch/denselbigē getrost wagen

vnd auffsetzen/wo es die not fordert/auff das wir damit beyde zu leben vnd zu sterben / seinem willen bereyt sein / Denn niemandt lebet im selber / niemandt stirbet im selbsts / als Sanct Paulus sagt zum Römern. 15.

Das weyß ich wol/das bey den alten der brauch gewesen ist beyde vnter Juden vnd Heyden/beyde vnter heyligē vnd sündern / das begrebnüß außser der stat zuhaben / vnd sie sind ja so klüg gewesen als wir seyn mögen / Denn also zeyget auch das Euangelion Sanct Lucas / da Christus der witwen sun vom tode auffweckt im stadthor zu Naim/vnd der Text sagt/Nan trüg in zur Stat hynauß zum grabe/vnd gieng vil volcks mit jr/das freylich des landt weyse do zumal geweest ist/ außser den stetten die begrebnüß zuhabē. Auch Christus grab selbsts außsen vor der Stat bereyt war. Des selbigen gleichen Abraham sein begrebnüß kauffte auff dem acker Ephion / bey der zweyfachen hülle / dahyn sich die Patriarchen alle begraben ließen / Daher auch die Latinische sprache / Efferrī heysset / Das ist / hinans tragen/das wir zum grabe tragen heysen / Denn sie trugen sie nicht allein hynauß/sonder verbranten die leychen alle zu puluer/auff das die luft ja auff's reynest blibe.

Darumb mein rath auch were / solchen exempeln nach / das begrebnüß hynauß für die stat machen. Vnd zwar / als wir hie zu Wittenberg einen kirchhoff haben / solte vns nicht alleyne die not / sonder auch die andacht vnd erberkeyt darzu treyben / ein gemeyne begrebnüß außsen vor der Stat zu machen / Dann ein begrebnüß / sol ja billich ein seiner stiller ort sein / der abge sondert were von allen orten / darauff man mit andacht gehen vnd stehen kündte / den todt / das Jüngste gericht vnd auffers- stehung zu betrachten vñ beten / also das der selbige ort gleich eine erliche / ja fast ein heylige stette were / das einer mit forcht vnd allen ehren drauff kündte wandeln / weyl on zweyffel / etliche heyligen da ligen. Vnd da selbst vmbher an den wenden künd man solche andechtige bilder vnd gemelde lassen malen.


Aber vnser kirchhoff / was ist er? vier oder fünff gassen / vnd zwen oder drey marckt ist er / das nicht gemeiner oder vnstillen

ort ist in der ganzen Stat / den eben der kirchhoff / da man teglich / ja tag vnd nacht vber laufft / beyde menschen vnd vhe / vnd ein yeglicher auß seinem hauss ein thür vnd gassen drauff hat / vnd allerley drauff geschicht / villeicht auch solche stücke / die nicht zu sagen sind / Dadurch wirdt denn die andacht vnd ehre gegen die begrebnüß ganz vnd gar zu nicht / vnd helt yederman nicht mer dauon / denn als wenn yemandt vber eynen schindenleych lieffe / das der Türcke nicht so vnehrlich kündte den ort halten / als wir in halten / vñ solten doch da selbst eytel andacht schepffen / den todt vnd auferstehung bedencken / vñ der heylige so da ligen / schonen / Aber wie kan man solchs thun auff ein gemeynen ort / da yederman muß vberlauffen vnd vor yedermans thür auffstehet / das / wenn ja ehre sol im begrebnüß gesucht sein / ich so mehr in der Elbe oder im walde ligen wolt. Aber wenn das grebnüß draussen auff ein abgetsonderten stillen ort lege / da niemandt durch noch drauff lieffe / so were es gar geystlich / ehrlich vñ heylig anzusehen / vnd kündte auch zu gericht werden / das es zur andacht reygte / die so drauff gehen wölten / Das were mein rath / Wers thun wil der thū es / wers besser weyß / der fare ymmer fort / Ich bin niemands Herr.

Am ende aber vermanen vnd bitten wir euch / vmb Christus willen / das jr sampt vns helffet kempffen / mit bitten zu Got vnd leren wider die rechte geystliche Pestilenz des laydigen Satans / damit er yetz die welt vergifft vnd beschmeyst / sonderlich / durch die Sacraments lesterer / Wiewol auch sunst da neben vil andere rotten auff gehen / Denn Sathan ist zornig / vnd fület villeycht den tag Christi vorhanden / darumb cobet er so grewlich / vnd wil vns den Heyden Ihesum Christ nemen / durch seine geysterey / Vnter dem Papstumb war er eytel fleysch / das auch Mönckappen müssen heylig sein / nu wil er eytel geyst seyn / das auch Christus fleysch vnd wort sol nichts sein. Sie haben mir auff mein Büchlein lengest geantwoitet. Mich wundert aber / das biß auff disen tag nicht her gen Wittenberg kummen ist. Ich wil so Got verleyhet / noch ein mal drauff antwoiten / vnd darnach sie lassen faren. Ich sehe doch /


OSLER
das sie nür erger danon werdē / vñ sind wie ein wanze / welche
von jr selbs vbel stinckt / Aber ye mer man sie zureybet / ye erger
sie stinckt. Vnd hoffe / wer zu erhalten ist / dem sey durch mein
büchlein gnug geschüben / wie denn Got lob / vil dadurch auß
irem rachen gerissen / vñ noch vil mer in der warheyt gesterckt
vnd bestetiget sind / Chriſtus vnser Herr vnd Heyland behalte
euch alle in reynem glauber vnd brünziger liebe / vnbesleckt
vnd vnstrefflich auff seinen tag sampt ons allen. Amen.

Bittet sijr mich armen sündler.



1031

OSLER




OSLER

Shirley 77

008

#44832077



Johannes Keyß
u. Gemälde in der Magdalena-Kirche
zu Breslau



W. S. Cotter Rare Books.



LUTHER ON PLAGUE, WRITTEN IN A MOMENT OF DESPAIR

№ 4215

LUTHER Martin. [*Title within a woodcut border*]: Ob man | fur dē ster | ben fliehen | muge. |
Mart. Luther || M.D.XXVII. [*Nuremberg: Friedrich Peypus, 1527*]

Luther's only medically-related work, *Whether One May Flee from a Plague*, advocates central hospitals instead of home hospice for victims of the plague, which was then sweeping through the Wittenberg region. Luther also argues that cemeteries should be located far out of town—not in the yards of city churches, like in Wittenberg—so that the “steam” of the buried dead could not rise through the dirt and infect the living. But most important in Luther's treatise is his assertion that it is the moral and divine duty of the clergy (and other public servants) not to flee, but to stay and minister to the sick and dying. Supposedly written on All Saints' Day, 1527 (the anniversary of his burning the papal bull), when Luther was in the grip of a serious depression, the highly personal treatise has been interpreted by some scholars, including Henry David Rix, as a suicide note. By finding a holy and moral reason to stay in Wittenberg and expose himself to the plague, Luther could thwart the ecclesiastic (and juridical) prohibition against committing suicide; he could die under his own direction, yet not by his own hand, and thus be welcomed into the Kingdom of Heaven. To effect this, Luther declines the university elector John Hess's request to move himself and his family to Jena (where the rest of the university had already relocated), then Luther opens up his own home as a hospital to treat the afflicted. Many die there. Luther, of course, survives. *Whether One May Flee from a Plague*, which is written to Breslau reformer Johannes Hess, is a most unique work in Luther's vast printed oeuvre.

\$5,500

Quarto, 180 x 144 x 6 mm (binding), 178 x 141 x 3 mm (text block). A-C⁴ = 12 ff; modern Bradel-style binding of marbled boards over morocco spine, titled vertically in gilt. Wear to extremities, new endpapers. *Interior*: Margins a bit dear, affecting tail border of title woodcut; title page with small abrasion to woodcut and closed tear in gutter; mended worm track in gutter margins of last two gatherings, touching a word or letter on each page; two abrasions to final leaf, forming two holes which affect four words but which does not disrupt legibility.

W. S. Cotter Rare Books

William S. Cotter, Prop. 4615 Cedar Point Drive, Austin, Texas 78723 USA
(512) 952-9688 • miloubooks@yahoo.com • wscotterrarebooks.com

Provenance: Extensive modern penciled notes on Johannes Hess to endpapers, along with cataloguers remarks, and a recent naive penciled portrait of Hess to lower pastedown. Acquired by W. S. Cotter Rare Books from Uwe Turszynski of Munich, December 2021.

cf Wellcome I 3915 (an edition printed by Steiner at Augsburg); VD 16: L 5517; Benzing 2429; Luther, J., *Titelinfassungen der Reformationszeit* 116; *Luther's Works*, edited by H. T. Lehmann and J. Pelikan, St. Louis and Philadelphia, 1955-86. Vol 43, p. 115; Rix, Henry David, *Martin Luther: The Man and the Image*, New York: Irvington Publishers, 1983, pp. 199-203; *Weimerer Ausgabe*; viz. *D. Martin Luthers Werke: kritische Gesamtausgabe*, Weimar: 1901, Vol 23, p. 325.

W. S. Cotter Rare Books

William S. Cotter, Prop. 4615 Cedar Point Drive, Austin, Texas 78723 USA
(512) 952-9688 • miloubooks@yahoo.com • wscotterrarebooks.com
